

९ पाठसंबंधी विशेष सूचना

पृ. २८८ की पंक्ति ९ में 'एवं जोइसिय ' आदिसे लगाकर पृ. २९०

पंक्ति २ के 'एगपदत्तादो' तकका पाठ प्रतियोंमें व मूडबिंदीकी प्रतिमें निम्न प्रकार है, जो धवलाकारकी अन्यत्र पाठ-व्यवस्थासे कुछ भिन्न है। हमने उसे मुद्रणमें अन्यत्रकी व्यवस्थानुसार कुछ हेरफेरसे रख दिया है और उसका कारण भी वहीं दे दिया है। किन्तु पाठकोंकी सूचनाके लिये वह पूरा पाठ प्रतियोंके अनुसार यहाँ दिया जाता है-

परत्थाणे पयदं । सव्वत्थोवो असंजदसम्माइड्ढिअवहारकालो । एवं णेयव्वं जाव पलिदोवमो त्ति । तदो उवरि मिच्छाइड्ढिअवहारकालो असंखेज्जगुणो । को गुणगारो? सगअवहारकालस्स असंखेज्जदिभागो । को पडिभागो? पलिदोवमो । अहवा पदरंगुलस्स असंखेज्जदिभागो असंखेज्जाणि सूचिअंगुलाणि । केत्तियमेत्ताणि? सूचिअंगुलस्स असंखेज्जदिभागमेत्ताणि । को पडिभागो? पलिदोवमस्स संखेज्जदिभागो । उवरि सत्थाणभंगो । एवं जोइसियवाणवेंतराणं पि णेयव्वं । भवणवासियाणं सत्थाणे सव्वत्थोवा मिच्छाइड्ढिविक्खंभसूई । अवहारकालो असंखेज्जगुणो । को घुणगारो? सगअवहारकालस्स असंखेज्जदिभागो । को पडिभागो? विक्खंभसूई । अहवा सेढीए असंखेज्जदिभागो असंखेज्जाणि सेढिपढमवग्गमूलाणि । को पडिभागो? विक्खंभसूचिवग्गो । अहवा घणंगुलं । सेढी असंखेज्जगुणा । को गुणगारो? सगविक्खंभसूई दव्वमसंखेज्जगुणं । को गुणगारो? विक्खंभसूई । पदरमसंखेज्जगुणं को गुणगारो? अवहारकालो । लोगो असंखेज्जगुणो । को गुणगारो? सेढी । सासणादीणं मूलोघभंगो । भवणवासियाणं सव्वत्थोवो असंजदसम्माइड्ढिअवहारकालो । एवं णेयव्वं जाव पलिदोवमो त्ति । तदो उवरि भवणवासियमिच्छाइड्ढिविक्खंभसूई असंखेज्जगुणा । को गुणगारो? सगविक्खंभसूईए असंखेज्जदिभागो । को पडिभागो? पलिदोवमो । अहवा पदरंगुलस्स असंखेज्जदिभागो असंखेज्जाणि सूचिअंगुलाणि । केत्तियमेत्ताणि? सूचिअंगुलपढमवग्गमूलस्स असंखेज्जदिभागमेत्ताणि । को पडिभागो? पलिदोवमो । उवरि सगसत्थाणभंगो । सोहम्मादि जाव उवरिमउवरिमगेवज्जो त्ति सत्थाणप्पाबहुगं जाणिय णेयव्वं । उवरि परत्थाणं णत्थि, तत्थ सेसगुणट्ठाणाणमभावादो । सव्वट्ठे सत्थाणं पि णत्थि एकपदत्तादो ।